


重刊太平惠民和劑局方卷之六



昆明朱 葵向之父閱

冶城袁元熙汝和父較

積熱 附火症

紫雪 療脚氣毒遍内外煩熱不解口中生瘡狂易
叫走瘴疫毒癘卒死温瘧五尸五症心腹諸疾疔
刺切痛及解諸熱藥毒發邪熱卒黃等并解蠱毒
鬼魅野道熱毒又治小兒驚癇百病

黃金 壹百兩

寒水石 磁石

石膏

滑石 各叁斤

已上並擣碎用水一斛煮至四斗去滓入下項

羚羊角屑 犀角屑 青木香擣碎

沉香擣碎各五斤 丁香壹兩擣碎 玄參洗焙擣碎

升麻各壹斤 甘草炙八兩

已上入前藥汁中再煮取一斗五升去滓入下項

朴硝精者拾斤 硝石四升如闕芒硝亦得每升重柒兩柒錢半

已上二味入前藥汁中微火上煎柳木篦攪不住

手候有七升投在木盆中半日欲凝入下項

麝香當門子壹兩貳錢半研 朱砂飛研叁兩

已上二味入前藥中攪調令勻停之二日

右藥成霜雪紫色每服一錢或二錢冷水調下大

人小兒臨時以意加減並食後服

紅雪通中散 治煩熱黃疸脚氣温瘴解酒毒消宿

食開三焦利五藏爽精神除毒熱破積滯去腦悶

治眼昏頭痛鼻塞口瘡重舌腸癰喉閉及傷寒狂

躁胃爛發班等病

麝香細研半兩 朱砂細研壹兩 川朴消拾斤

羚羊角屑 黃芩 升麻各叁兩

赤芍藥 淡竹葉 枳殼去穰麩炒微黃

人參去芦 木香 檳榔

甘草

生用各貳兩

大青

去根

葛根

籃葉

桑白皮

梔子

去皮

木通

各壹兩半

蘇枋

陸兩

右件藥除朱砂麝香外並細剉以水二斗五升煎至九升去滓更以綿濾過再以緩火煎令微沸然後下朴消以柳木篦攪勿住手候凝次下朱砂麝香等末攪令勻頓於新甌盆中經宿即成矣細研每服一錢至二錢新汲水調下更量老少虛實臨時加減服之凡服靈寶丹者先依上件服法調此藥服訖須臾更以熱茶投之令宜瀉一兩行為度

後依法服靈寶丹立効

涼膈散

治大人小兒腑藏積熱煩躁多渴面熱頭

昏唇焦咽燥舌腫喉閉目赤鼻衄頰頰結硬口舌生瘡痰實不利涕唾稠粘睡卧不寧譫語狂妄腸胃燥澀便溺秘結一切風壅並宜服之

川大黃

朴硝

甘草

燼各貳拾兩

連翹

梔子仁

黃芩

薄荷

葉去土各拾兩

右麓末每服二錢水一盞入竹葉七片蜜少許煎七分食後溫服小兒可服半錢更隨歲數加減得

利下任服

洗心散 治風壅壯熱頭目昏痛肩背拘急肢節煩
疼熱氣上衝口苦唇焦咽喉腫痛痰涎壅滯涕唾
稠黏心神煩躁眼澀睛疼及寒壅不調鼻塞聲重
咽乾多渴五心煩熱小便赤澁大便秘滯並服之

白朮 壹兩半

甘草 燼

當歸 去苗

荆芥穗

麻黃 不去節

芍藥

大黃

麩裏煨去麩切焙各陸兩

右為細末每服二錢水一盞入生薑薄荷各少許
同煎至七分去滓溫服如小兒麩豆瘡疹欲發先

狂語多渴及驚風積熱可服一錢並臨卧服如大
人五藏壅實欲要澹轉加至四五錢乘熱服之

八正散 治大人小兒心經邪熱一切蘊毒咽乾口
燥大渴引飲心忪面熱煩躁不寧目赤睛疼唇焦
鼻衄口舌生瘡咽喉腫痛又治小便赤澀或隆閉
不通及熱淋血淋並治之

車前子

瞿麥

滑石

大黃

麩裏煨去麩切

山梔子仁

篇蓄

木通

甘草 炙各壹斤

右為散每服二錢水一盞入燈心煎至七分去滓

温服食後臨卧小兒量力少少與之

龍腦飲子 治大人小兒蘊積邪熱咽喉腫痛赤眼

口瘡心煩鼻衄咽乾多渴睡卧不寧及除痰熱效

嗽中暑煩躁一切風壅並宜服之

甘草 拾斤 蜜燻 縮砂仁 各參 拾兩

石膏 四拾兩 研 藿香葉 壹斤 半 大梔子 仁微炒百二十兩

右為末每服一錢至二錢用新汲水入蜜調下又

治傷寒餘毒潮熱虛汗用藥二錢水一盞入竹葉

五六片煎至七分温服並食後服

妙香圓 治丈夫婦人小兒諸疾

辰砂 飛研 九兩 牛黃 龍腦

膩粉 麝香 各研 參兩 金箔 九拾片 研

巴豆 參百壹拾五粒去皮心膜炒熟去油

右合研勻煉黃蠟六兩入白沙蜜三分同煉令勻

為圓每兩作三十圓如治潮熱積熱傷寒結胃發

黃狂走躁熱口乾面赤大小便不通煎大黃炙甘

草湯下一圓毒痢下血煎黃連湯調膩粉少許下

患酒毒食毒茶毒氣毒風痰伏痞吐逆並用膩粉

龍腦米飲下中毒吐血悶亂煩躁欲死者用生人

血下立愈小兒百病驚癇急慢驚風涎潮搐搦用

龍腦膩粉蜜湯下菘豆大二圓諸積食積熱頰赤
 煩躁睡卧不寧驚哭瀉利並用金銀薄荷湯下更
 量歲數加減如大人及婦人因病傷寒時疾陰陽
 氣交結伏毒氣胃中乾燥眼赤潮發不定再經日
 數七八日已下至半月日未安醫所不明證候脉
 息交亂者可服一圓或分作三圓亦可並用龍腦
 膩粉米飲調半盞已來下此一服取轉下一切惡
 毒涎并藥圓瀉下如要却收水洗淨以油單紙裹
 埋入地中五日取出可再與大人小兒依法服一
 圓救三人即不堪使如要藥速行即用針刺一眼

子冷水浸少時服之即効更速

龍腦鷄蘇圓 除煩解勞消殺下氣散胃中鬱熱主

肺熱欬嗽治鼻衄吐血血崩下血血淋熱淋勞淋

氣淋止消渴除驚悸涼上膈解酒毒又治胃熱口

臭肺熱喉腥脾疸口甜膽疸口苦常服聰明耳目

開心益智

鷄蘇 淨葉壹斤即蘇州薄荷也

麥門冬 四兩湯洗去心焙

生乾地黄末 陸兩後入膏

真蒲黃 微炒

阿膠 炒微燥

真銀州柴胡 剉同末通以沸湯大半升浸壹貳宿絞取

汁後入藥

人參 去芦頭

木通 剉同柴胡浸各貳兩

肩方
卷之六
六
黃耆

去芦 壹兩

甘草

壹兩半

右除別研藥後入外並為末好蜜二斤先煉一二沸然後下生乾地黃末不住手攪時即入絞下前木通柴胡汁慢慢熬成膏勿令焦然後將其餘藥末同和為圓如豌豆大每服二十圓嚼破熟水下不嚼亦得虛勞煩熱消渴驚悸煎人參湯下咳嗽唾血鼻衄吐血麥門冬子湯浸去心煎湯下並食後臨卧服惟血崩下血諸淋疾皆空心食前服治淋用車前子湯下

牛黃涼膈圓

治風壅痰實蘊積不散頭痛面赤心

煩潮躁痰涎壅塞咽膈不利精神恍惚睡卧不安

口乾多渴唇焦咽痛頰頰赤腫口舌生瘡

紫英石

研飛

麝香

研

龍腦

各五兩研

牛黃

壹兩壹分研

寒水石粉

煨

牙硝

枯過研細

石膏

研細各貳拾兩

甘草

熅拾兩

天南星

朱兩半牛膽製

右為末煉蜜圓每兩作三十圓每一圓溫薄荷人參湯嚼食後服小兒常服半圓治急驚一圓並薄荷水化下

抱龍圓

治風壅痰實頭目昏眩胃膈煩悶心神不

寧恍惚驚悸痰涎壅塞及治中暑煩渴陽毒狂躁

天南星 牛膽製 拾陸兩

阿膠 碎炒如 珠參兩

牛黃 半兩 研

白石英 飛 研

辰砂 研

生犀角

麝香 各壹 兩 研

藿香葉 貳 兩

雄黃 研飛 四兩

金箔

銀箔 各五拾 片 研

右為細末入研藥令勻用溫湯搜和為圓如鷄頭實大每服一圓用新汲水化破入鹽少許食後服
甘露圓 治大人小兒風壅痰熱心膈煩躁夜卧不安譫語狂妄目赤鼻衄口燥咽乾療中暑解熱毒

鉛白霜

龍腦 各叁 分

甘草 炙壹 兩

牙硝 枯過 叁兩

寒水石粉 叁拾 貳兩

右為末糯米糊圓如彈子大每服用生薑蜜水磨下半圓新汲水亦得小兒一圓分五服食後服

甘露飲 治丈夫婦人小兒胃中客熱牙宣口氣齒齩腫爛時出膿血目臉垂重常欲合閉或即飢煩不欲飲食及赤目腫痛不任涼藥口舌生瘡咽喉腫痛瘡疹已發未發皆可服之又療脾胃受濕痰熱在裏或醉飽房勞濕熱相搏致生疸病身面皆黃肢體微腫胃滿氣短大便不調小便黃澁或時身熱並宜服之

熟乾地黄

麥門冬

去心 焙

枳殼

去穰 麩炒

甘草

山茵陳

枇杷葉刷去毛淨

石斛去蘆

黃岑

生乾地黄

天門冬

去心焙

右等分爲末每服二錢水一盞煎七分去滓食後臨卧温服小兒一服分兩服仍量歲數加減與之五淋散 治腎氣不足膀胱有熱水道不通淋瀝不宣出少起多臍腹急痛蓄作有時勞倦卽發或尿如豆汁或如砂石或冷淋如膏或熱淋便血並治之又方見後

赤茯苓

陸兩

當歸

去蘆

甘草

生用各五兩

山梔子仁

赤芍藥

去蘆剉各貳拾兩

右爲細末每服二錢水一盞煎八分空心食前服消毒麻仁圓 治諸般風氣上壅久積熱毒痰涎結實胃膈不利頭旋目運或因酒麪炙燻毒食所傷停留心肺浸漬腸胃蘊蓄不散久則內鬱血熱腸風五痔外則發瘡瘍癰瘡赤斑遊腫渾身燥悶而上瘡赤口乾舌裂咽喉澁痛瘡中引飲或傷寒時變口鼻出血煩燥者及風毒下疳瘡腫疼痛脚氣衝心悶亂一切風熱毒氣並皆主之

生大黃

五兩

山梔子仁

拾兩

生杏仁

貳兩去皮尖

右三味煉蜜為圓每服三十圓至五十圓夜卧温湯吞下利下赤毒膠涎為効服時隨意加減此藥甚穩善不損藏腑常服搜風順氣解毒治小兒驚熱以蜜湯化下三五圓極効

導赤散 治大人小兒心經内虛邪熱相乘煩燥悶亂傳流下經小便赤澀淋澁臍下滿痛

生乾地黄

甘草

生用

木通

各等分

右咬咀每三錢水一盞竹葉少許煎六分温服不拘時

三黃圓 治丈夫婦人三焦積熱上焦有熱攻衝眼

目赤腫頭項腫痛口舌生瘡中焦有熱心膈煩躁不美飲食下焦有熱小便赤澀大便秘結五藏俱熱即生瘡癩瘡痍及治五般痔疾糞門腫痛或下鮮血

黃連

去芦鬚

黃芩

去芦

大黃

煨各拾兩

右為末煉蜜為圓如梧桐子大每服三十圓熟水下如藏腑壅實加服圓數小兒積熱亦宜服之

消毒犀角飲

治大人小兒内蘊邪熱咽膈不利痰

涎壅嗽眼赤臉腫腮項結核癰腫毒聚遍身風癩瘰毒赤癩及瘡癬已出未出不能快透並皆治療

小兒癰豆欲出及已出熱未解急進此藥三四服
快透消毒應手神効

鼠粘子陸拾四兩荆芥穗

甘草炙各壹拾陸兩

防風去苗八兩

右為末每服三錢水一盞煎七分去滓食後溫服

碧雪 治一切積熱咽喉腫痛口舌生瘡心中煩躁

嚙物妨悶或喉閉壅塞水漿不下天行時疫發狂

昏憤並皆治之

寒水石研飛

芒硝

石膏煨研飛

青黛

馬牙硝

朴硝

硝石

甘草各等分

右將甘草煎湯二升去滓却入諸藥再煎用柳木
篋不住手攪令消鎔得所却入青黛和勻傾入砂
盆內候冷結凝成霜研為末每用少許含化嚙津
不拘時候如喉閉壅塞不能嚙物者用小竹筒吹
藥入喉中頻用神効

勝冰丹 治三焦壅盛上衝頭目赤熱疼痛口舌生

瘡咽喉不利嚙物有礙神思昏悶並皆治之

白藥子壹兩半山豆根

黃連

甘草炙

黃藥子

紅內消各貳兩

麝香研

龍腦研各錢

右為末用建盞盛於飯上蒸候冷次入腦麝令勻煉蜜圓如鷄頭大每一圓含化又用津唾於指甲上磨少許點赤眼立効

導赤圓 治心腎凝滯膀胱有熱小便不通風熱相搏淋瀝不宣或服補藥過多水道塞澀出少起數臍腹急痛攻症陰間或心肺壅熱面赤心忪口乾煩渴及癰腫發背血脉瘀閉服此排膿內消腫毒疎導心經邪熱應內蘊風熱五般淋疾並皆治之

梔子仁炒壹拾貳兩

赤芍藥

茯苓去皮各四兩

生乾地黄焙木通去節各半斤

大黃炒拾五兩

滑石四兩

右為細末煉蜜為圓如梧桐子大每服二十圓至三十圓食後溫熟水吞下

五淋散 治證與前五淋散同

梔子仁炒拾四兩

赤芍藥

茯苓去皮各半斤

山茵陳去根貳兩

木通去節

甘草炙

滑石各六兩

右為末每服三錢水一盞煎至八分空心服

麥門冬散 治丈夫婦人蘊積邪熱心胃煩悶咽乾

口燥睡卧不安或大小腸不利口舌生瘡並治之

芒硝壹兩 麥門冬去心三分 小草

黃連去鬚 升麻去麤皮 犀角屑

甘草炙 黃芩 枳殼去穰炒

大青去根各半兩

右為末每服三錢水一盞煎至七分食後溫服

真珠散 治丈夫婦人五藏積熱毒氣上攻心胃煩

悶口乾舌燥精神恍惚心忪悶亂坐卧不寧並服

真珠粉 琥珀 寒水石火服醋淬

牙硝研枯 苴萋根末 鐵粉

甘草末生用 朱砂研飛 川大黃

右等分各為末拌勻每服一錢以竹葉湯溫調下

靈液丹 治一切風熱藏腑積熱毒氣上攻胃膈煩

燥口舌乾澀心神壅悶咽嗑不利飲食無味

寒水石火煨研飛 石膏研 瓜萋根

烏梅去核炒 赤茯苓去木 葛根各壹兩

麥門冬壹兩半 龍腦別研壹錢

右將麥門冬去心訖並為末入研藥令勻煉蜜圓

如彈子大每服一圓薄綿裹含化嚥津

瀉痢 附秘瀝

鍾乳建脾圓 治男子婦人虛損羸瘦身體沉重脾胃冷弱飲食不消腹脹雷鳴泄痢不止又治腸虛積冷下利清穀或下純白腹中疝痛及久痢赤白腸滑不禁少氣羸困不思飲食並宜服之

鍾乳粉參兩

當歸去芦

龍骨

神麴碎炒

赤石脂煨

黃連去鬚

人參去芦

細辛去苗土

大麥蘖炒

乾薑炮

茯苓去皮

石斛去根

肉桂去麤皮各貳兩

附子炮去皮臍壹兩

蜀椒去目及開口者微炒出汗陸兩

右為末入鍾乳粉勻煉蜜為圓如梧桐子大每服

三十圓溫米飲下食前日三服

朝真丹 治腸胃虛弱內受風冷或飲食生冷內傷

脾胃泄瀉暴下日夜無度腸鳴腹痛手足厥寒

硫黃生研細三拾兩 白礬煨七兩半

朱砂參兩壹錢研為衣

右合研勻用水浸蒸餅為圓如梧桐子大以前朱砂為衣每服三十圓溫米飲下不計時候夏月宜

備急

駢車圓 治一切下痢無問新久及冷熱膿血腸滑

裏急日夜無度臍腹絞痛不可忍者

黃連去鬚參拾兩

乾薑炮裂拾兩

阿膠擣碎炒如珠子為末以醋四升

熬成膏

當歸拾五兩

右為末阿膠膏和併手圓如梧桐子大每服三十圓食前溫米飲下日三服凡小兒服圓如麻子大量歲數加減

訶梨勒圓 治腸胃虛弱內受風冷水穀不化泄瀉注下腹痛腸鳴胃滿短氣又治腸胃積寒久痢純白或有青黑日夜無度及脾胃傷冷暴瀉不止手足厥冷脉微欲絕

肉豆蔻去皮

木香不見火

乾薑炮各貳拾兩

縮砂仁

阿藜勒皮

川烏頭炮去皮臍

白礬

煨各四拾兩

龍骨洗

赤石脂

各捌拾兩

右為末用粟米飯為圓如梧桐子大每服二十圓至三十圓溫粟米飲下食前服甚者可倍加圓數大溫脾圓 治脾胃虛弱冷氣攻衝飲食不化心腹脹痛嘔吐吞酸痞噎不通腸鳴泄利水穀不分面黃肌瘦食減嗜卧常服溫脾益胃消穀進食久虛痼冷食少傷多宜常服

吳茱萸

湯洗七次

大麥蘖

炒

肉桂

去麤皮各五兩

附子

炮去皮臍

細辛

去苗各貳兩

枳殼

麩炒壹分半

神麴

碎炒叁兩壹錢

人參

去芦

乾薑

炮

甘草 炙

桔梗 各參兩

右為細末煉蜜和圓如梧桐子大每服二十圓溫酒或米飲下日三服空心食前

黃連阿膠圓 治腸胃氣虛冷熱不調下痢赤白狀

如魚腦裏急後重臍腹疼痛口燥煩渴小便不利

阿膠 碎炒壹兩

茯苓 去皮貳兩

黃連 去鬚叁兩

右黃連茯苓同為末水調阿膠末搜和圓如梧桐子大每服二十圓溫米飲下食前服

神効胡粉圓 治腸胃虛滑下利無度赤白相雜臍

腹疔痛裏急後重減食羸瘦或經久未差並服之

烏賊魚骨 洗炒焦

胡粉 各四兩

蜜陀僧 貳十兩

龍骨 洗各八兩

右為末以粟米飯為圓如梧桐子大每服二十圓至三十圓溫粟米飲空心下

桃花圓 治腸胃虛弱冷氣乘之臍腹攪痛下痢純

白或冷熱相搏赤白相雜腸滑不禁日夜無度

赤石脂 乾薑炮各等分

右為末水麩糊為圓如梧桐子大每服三十圓溫米飲下空心食前日三服

靈砂丹 治藏腑怯弱內有積滯臍腹撮痛下痢膿

血日夜無度裏急後重腸鳴腹脹米穀不化少氣困倦不思飲食或發寒熱漸至羸瘦

桂府滑石 乳香研各壹分 黃丹研

枯礬研各壹兩半 硝石與礬霜一處研入磁罐子內用石灰蓋口炭火燒半日取

出去火毒 信州砒霜 膩粉研

粉霜研各半兩 朱砂研飛壹兩

右為末用蒸餅二兩四錢和為圓如梧桐子大每服五圓溫粟米飲下未愈加圓數再服小兒可服一圓至二圓大小臨時加減服之
不二圓 治大人小兒一切瀉痢無問冷熱赤白連

綿不差愈而復發腹中疼痛者宜服之

白膠香研細四錢 砒霜壹兩六錢研入磁罐子以赤石脂固縫鹽泥固濟燒通赤

候冷取出 木鼈子十箇燒焦 乳香六錢研

黃丹貳兩半炒 黃蠟壹兩參錢 朱砂研飛半兩

巴豆去皮心膜出油 杏仁去皮尖各七十箇研

右研勻鎔蠟和圓如黃米大每錢作一百二十圓每服一圓小兒半圓水瀉新汲水下赤痢甘草湯下白痢乾薑湯下赤白痢甘草乾薑湯下並放冷臨卧服忌熱物一二時辰

訶梨勒散 治脾胃虛弱內挾冷氣心脇臍腹脹滿

刺痛嘔吐惡心飲食減少腸鳴泄痢水穀不化怠惰少力漸向瘦弱並宜服

訶子皮

青皮

去穰各四十兩

附子

炮去皮十斤

肉桂

去麤皮五斤

肉豆蔻仁

麩裹煨令熟四十兩

右為末每服三錢水盞半薑三片煎七分食前服

木香散

治脾胃虛弱內挾風冷泄瀉注下水穀不

化臍下疔痛腹中雷鳴胸膈痞悶脇肋虛脹及積

寒久利腸滑不禁肢體羸困不進飲食

肉豆蔻仁

當歸

去

甘草

燻

木香

丁香

各貳十兩

赤石脂

附子

去皮臍醋煮切片焙乾各十兩

訶子皮

十五兩

藿香

葉洗焙四十兩

右為末每服一大錢水一盞生薑二片棗一枚同

煎至六分溫服空心食前

神功圓

治三焦氣壅心腹痞悶六府風熱大便不

通腰腿疼痛肩背重疼頭昏面熱口苦咽乾心胸

煩燥睡卧不安及治脚氣并素有風人大便秘燥

大麻仁

別搗如膏

人參

去芦各貳兩

大黃

錦紋者麩裹煨

訶梨勒

皮各四兩

右為末入麻仁搗研勻煉蜜為圓如梧桐子大每

服二十圓温水下温酒米飲皆可食後臨卧如大便不通可倍圓數以利為度

麻仁圓 順三焦和五臟潤腸胃除風氣治冷熱壅結津液耗少令人大便秘澁充宜服之弱及有風人大便秘澁充宜服之

白檳榔 半生煨 山茱萸 防風 去芦

枳殼 去穰炒 兔絲子 酒浸 車前子

肉桂 去麤皮 山蘓 各壹兩 郁李仁 去皮別研

大黃 半蒸半生 麻仁 別搗研 羌活 去芦

木香 各壹兩

右為末入研藥勻煉蜜和圓如梧桐子大每服十五圓至二十圓温水臨卧服

脾約麻仁圓 治腸胃燥澁津液耗少大便堅硬或秘不通臍腹脹滿腰背拘急及有風人大便秘結燥又治小便利數大便因硬而不渴者謂之脾約此藥主之

厚朴 去麤皮薑汁炒 枳實 炒 芍藥 各半

大黃 蒸焙壹斤 麻仁 別研五兩 杏仁 去皮尖炒研五兩半

右為末蜜和圓如梧桐子大每服二十圓臨卧温水下以大便通利為度未利再服

七聖圓 治風氣壅盛痰熱結搏頭目昏重涕唾稠
粘心煩面赤咽乾口燥精神不爽夜卧不安肩背
拘急胸膈痞悶腹脇脹滿重疼大便秘結小便赤
澁及嵐瘴之地最宜服

郁李仁去皮

大黃

蒸焙各壹兩

肉桂

去麤皮

羌活

去芦

檳榔

生

木香

生

川芎

各半兩

右爲末煉蜜搜和爲圓如梧桐子大每服十五圓
至二十圓溫熟水下食後臨卧服更量臧腑虛實
加減服之

七宣圓 療風氣結聚宿食不消兼砂石皮毛在腹
中及積年腰脚疼痛冷如冰石脚氣衝心煩憤悶
亂頭旋暗倒肩背重痛心腹脹滿胸膈閉塞風毒
腫氣連及頭面大便或秘小便時澁脾胃氣痞不
能食脚氣轉筋掣痛攣急心神恍惚眠卧不安等
疾

訶梨勒皮

柴胡

去苗洗

枳實

焙

木香

各五兩

桃仁

去皮尖去六兩

大黃

麩裏煨十五兩

甘草

六兩

右爲末煉蜜圓如桐子大每服二十圓米飲下食

後臨卧服稍增至四五十圓取宜利為度覺病勢退服五補圓不問男女老少並宜服量虛實加減七棗湯 治脾胃虛弱內受寒氣泄瀉注下水穀不分腹脇脹滿臍腹疔痛心下氣逆腹中虛鳴嘔吐惡心胸膈痞悶困倦少力不思飲食

茴香 去土炒

川烏 炮去皮臍

縮砂 取仁各入兩

甘草 六兩

乾薑 炮四兩

厚朴 去皮薑製

益智 去皮各壹斤

右為籠末每服二錢水一盞大棗七箇擘破同煎七分去滓溫服食前空心

胃風湯 治大人小兒風冷乘虛入客腸胃水穀不化泄瀉注下腹脇虛滿腸鳴疔痛及腸胃濕毒下如豆汁或下瘀血日夜無度並宜服

白芍藥

白朮

肉桂 去麤皮

人參 去芦

當歸 去芦

芎藭

茯苓 去皮各等分

右為籠末每服二錢水一大盞粟米百餘粒同煎七分去滓稍熱服空心小兒量力減之

半碗圓 除積冷暖元藏溫脾胃進飲食治心腹一切痲痺冷氣及年高風秘冷秘或泄瀉等並治之

硫黃

明淨好者研令極細用柳木錘子研過

半夏

湯洗七次焙乾為末

右等分以生薑自然汁同熬入乾蒸餅末攪和勻入白內杵數百下圓如梧桐子大每服空心溫酒或生薑湯下十五圓至二十圓婦人醋湯下

赤石脂散 治腸胃虛弱水穀不化泄瀉注下腹中

雷鳴及冷熱不調下痢赤白腸滑腹痛遍數頻多

脇肋虛滿胸膈痞悶肢體困倦飲食減少

縮砂仁

貳十圓

赤石脂

甘草

燻各五兩

肉豆蔻仁

麩裹煨令熟四十兩

右為末每服二錢溫粟米飲調下食前空心服

純陽真人養臟湯 治大人小兒腸胃虛弱冷熱不

調藏府受寒下痢赤白或便膿血有如魚腦裏急

後重臍腹疔痛日夜無度胸膈痞悶脅肋脹滿全

不思食及治脫肛墜下酒毒便血諸藥不効者並治之

白芍藥

壹兩六錢

當歸

去芦

人參

去芦

白朮

各六錢

肉豆蔻

麩煨半兩

肉桂

去皮

甘草

各八錢

木香

壹兩四錢

訶子皮

壹兩貳錢

罌粟殼

去蒂蓋蜜炙參兩六錢

右為麤末每服二大錢水一盞半煎八分去滓食前溫服老人孕婦小兒暴瀉宜急服之立愈忌酒

麩生冷魚腥油膩如腸腑滑泄夜起久不瘥者可加附子三四片煎服此藥的有神効不可具述

御米湯 治久患痢疾或赤或白臍腹疔痛裏急後墜發歇無時日夕無度及下血不已全不入食並皆治之

罌粟殼蜜炙

白茯苓去皮

甘草炙各五兩

人參去苦

乾薑炮各貳兩半

厚朴去麁皮薑製炒十兩

右咬咀每服三錢水一盞半生薑三片大淮棗三枚烏梅一箇煎至一盞去滓空心食前通口服如年老及七八十歲每服二大錢小兒每服一錢半更量兒歲加減

地榆散 治腸胃氣虛冷熱不調泄瀉不止或下鮮

血或如豆汁或如豚肝或膿血相雜赤多白少腹痛後重遍數頻併全不入食並宜服之又方見後

罌粟殼去穢蜜炙

石榴皮

蓮蓬去莖

甘草炙各等分

右為細末每服二大錢水一盞半生薑三片煎至一盞通口服不拘時候

金粟湯 治丈夫婦人室女小兒一切下痢無問新

久冷熱不調日夜無度臍腹絞痛即利肢體困倦小便閉澁不思飲食漸加羸瘦又治傷生冷脾胃

怯弱飲食不消腹脹雷鳴泄瀉不止連月不瘥並宜服之

罌粟殼去穰蜜炙 甘草炒各半斤 陳皮去白壹兩壹分

車前子四兩炒 乾薑二兩炮

右為細末每服二大錢水一盞棗一枚生薑二片煎至七分空心食前稍熱服如或用飯飲調下亦得忌生冷油膩魚腥鮓醬等物

育腸圓 治腸胃虛弱內挾生冷腹脹泄瀉時時刺痛裏急後重下痢赤白或變膿血晝夜頻併經久不瘥

烏梅肉 黃蓮去鬚根各壹分 當歸去芦酒浸透壹宿焙壹兩

肉豆蔻濕帛裹煨 訶子皮 罌粟殼去蓋筋蜜炙各半兩

右為末煉蜜圓如桐子大每服三十圓至五十圓空心食前飯飲下小兒作小圓煎甘草乾薑湯下

腸風黑散 治榮衛氣虛風邪冷氣進襲藏腑之內

或食生冷或啖炙煨或飲酒過度積熱腸間致使腸胃虛弱糟粕不聚大便鮮血臍腹疼痛裏急後重或肛門脫出或久患酒痢大便頻併並皆治之

木饅頭燒 敗櫻燒 烏梅去核

甘草炙各貳兩

右為細末每服二錢水一盞煎至七分空心温服
斗門散 治八種毒痢藏腑撮痛膿血赤白或有五色相雜日夜頻併兼治禁口惡痢裏急後重太渴不止酒痢藏毒全不進食 又方見後

罌粟殼 去穢蜜炙 黑豆 炒去殼各四兩 當歸 去芦

乾薑 炮各壹兩 地榆 去芦 甘草 炙各貳兩

乾葛 去皮半斤

右為末每服二錢水一盞煎七分温服不拘時候
水煮木香圓 治一切赤白膿血相雜裏急後重或臟腑滑泄日夜無度或積寒久冷臍腹疼不思飲

食 又方見後

青皮 去白 甘草 燼各貳兩四錢 罌粟殼 去穢各兩八錢

當歸 去芦 訶子 炮去核 木香 不見火各六兩

右為細末煉蜜圓如彈子大每服一圓水八分盞煎至六分空心食前温服

大斷下圓 治藏腑停寒腸胃虛弱腹痛泄瀉 全不思食

高良薑 去芦 赤石脂 研 乾薑 炮

龍骨 研各壹兩半 酸石榴皮 去穢淨米醋浸壹宿炙焦黃色

白礬 枯 附子 炮去皮 肉豆蔻 炮

訶子 煨去核 牡礪 火煨各壹兩 細辛 去土葉七錢半

右為細末醋煮麩糊圓如梧桐子大每服五十圓
空心溫米飲下

狗頭骨圓 治久患下痢臍腹疼痛所下雜色晝夜
不止或其人久虛頻下腸垢謂之惡痢並能治之

肉豆蔻 麩裹 煨 附子 炮去 皮臍 狗頭骨 壺具火燒存 性未各壹兩

赤石脂 敗龜 燒存 性 乾薑 各半 兩

右為末醋糊為圓如梧桐子大每服五七十圓米
飲空心下

水煮木香圓 治證與前水煮木香圓同

白芍藥 當歸 去芦各 貳兩 罌粟殼 去蒂蓋蜜炒 黃色八兩

陳橘皮 白去 青皮 白去 甘草 炒

木香 各壹兩 壹分 訶子皮 去核貳 兩半

右為細末煉蜜圓每一兩作六圓每服一圓水一
盞煮至七分和滓空心溫服不拘時亦得

大香連圓 丈夫婦人腸胃虛弱冷熱不調泄瀉煩

渴米穀不化腹脹腸鳴胸膈痞悶脇肋脹滿或下
痢膿血裏急後重夜起頻併不思飲食或小便不
利肢體倦怠漸即瘦弱

木香 四兩八 錢八分 黃連 去芦鬚貳十兩用吳茱萸十 兩同炒令赤去茱萸不用

右為細末醋糊為圓如梧桐子大每服二十圓飯

飲吞下空心食前日進三二服

戊巳圓 治脾受濕氣泄利不止米穀遲化臍腹刺痛小兒有疳氣下痢亦能治之

吳茱萸

去梗炒

黃連

去鬚

白芍藥

各五兩

右為細末麩糊為圓如梧桐子大每服二十圓濃煎米飲下空心日三服

痢聖散子 治丈夫婦人遠年近日赤白休息等痢

黃栢皮

去麤皮

枳殼

去穰

甘草

燼

御米

即罌粟子

罌粟殼

去蒂蓋

各四兩

乾薑

炮

當歸

去芦

各貳兩

右為麤散每服三錢水一盞半薤白二條擘碎同煎八分去滓食前溫服老人小兒加減服之忌生冷油膩物

豆附圓 治丈夫婦人腸胃虛弱內受風冷水穀不化泄瀉注下腹痛腸鳴手足厥冷服諸藥不効者此藥主之

肉豆蔻

炮

附子

炮去皮

茯苓

白者焙各四兩

木香

不見火

肉桂

去麤皮

乾薑

炮各貳兩

丁香

壹兩不見火

右為細末薑汁麩糊為圓如梧桐子大每服五十

圓至一百圓生薑湯下粥飲亦得空心食前進
溫中圓 治脾藏傷冷宿食不消霍亂吐瀉心腹膨
脹攻刺並治之

良薑

去芦

乾薑

炮

青皮

去白

陳皮

去白各五兩

右為細末用醋打麩糊為圓如梧桐子大每服三十圓米飲下不拘時候又療丈夫小腸疝氣塊疔痛炒茴香少許嚼鹽湯或鹽酒任下日進二服
肉豆蔻散 治脾胃氣虛腹脇脹滿水穀不消藏府滑瀉腹內虛鳴困倦少力口苦舌乾不思飲食日

漸瘦弱

訶子皮

川烏

炮去皮

肉桂

去麩皮

茴香

炒各貳兩

肉豆蔻

麩裹煨

厚朴

去麩皮炒

甘草

燻

乾薑

炮

陳橘皮

各四兩

蒼朮

米泔浸壹宿去皮焙八兩

右為末每服二錢水一盞薑二片棗一枚煎七分

溫服

神應黑玉丹

治丈夫婦人久新腸風痔瘻著床頭

痛不可忍者服此藥不過三四次便見功效初得此疾發痒或疼穀道周回多生硬核此是痔如破

是瘦只下血是風皆因酒色氣風食五事過度即成此疾人多以外醫塗治病在腸自有蟲若不去根本其病不除此藥的有神効

刺蝟皮十六兩 猪懸蹄壹百隻 雷丸

脂麻各四兩 牛角腮十貳兩 苦練根五兩

亂髮皂角水浸洗焙 敗櫻各八兩 槐角六兩

右剉碎用瓷罐內燒存性碾為末入乳香二兩麝香八錢研和勻用酒打麩糊為圓如梧桐子大每服八粒先細嚼胡桃一枚以溫酒吞下空心晚食前日二服如病甚日三服切忌別藥不過三二日

永除根本

罌粟湯 治腸胃氣虛冷熱不調或飲食生冷內傷脾胃或飲酒過度臍腹疼痛泄瀉腸鳴下痢或赤或白裏急後重日夜頻併飲食減少及腸胃受濕膨脹虛鳴下如豆汁或下鮮血

艾葉去梗 黑豆炒去皮 乾薑炮

陳皮去白 甘草炙各貳兩 罌粟殼去蒂蜜炙四兩

右為龕散每服三錢水一盞半煎至一盞去滓溫服食前忌生冷油膩等物小兒量歲數加減服之固腸散 治脾胃虛弱內受寒氣泄瀉注下水穀不

分冷熱不調下痢膿血赤少白多或如魚腦腸滑
腹痛遍數頻併心腹脹滿食減少力

陳米

炒貳十兩

肉豆蔻

生用

罌粟殼

去蒂蓋膜蜜炙各貳兩

乾薑

炮

甘草

炙各貳兩半

木香

壹兩不見火

右為末每服二錢酒一盞生薑二片棗一枚同煎
至七分溫服不計時如不飲酒水煎亦得忌酒麪
魚腥等物

麪朮圓

治時暑暴瀉壯脾溫胃進美飲食及療飲

食所傷胸膈痞悶

神麪

炒

蒼朮

米泔浸壹宿焙乾

右各等分為細末麪糊為圓如梧桐子大每服三
十圓不拘時米飲吞下

纏金丹

治大人小兒一切瀉痢無問冷熱赤白連

綿不瘥愈而復發腹中疼痛者宜服之

白膠香

壹錢

黃蠟

朱砂

各壹兩

乳香

礪砂

各貳錢半

木鼈

半兩

黃丹

貳兩半

砒霜

叁錢半醋煮煨

巴豆

去皮心膜出油

杏仁

去皮尖及雙仁者各八兩

右研為末鎔蠟和圓如麻子仁大每服一圓小兒
半圓水瀉新汲水下赤痢甘草湯下白痢乾薑湯

赤白痢甘草乾薑湯並放冷臨卧服孕婦莫服忌熱物一二時辰

縛虎圓 治休息痢經一二年不瘥羸瘦衰弱及脾疼腰痛

黃蠟兩半

砒霜

成塊好者半兩乳細

右將黃蠟鎔開下砒以柳條七箇逐箇攪頭焦即換俟用足取起旋圓如梧桐子大每服一圓痢冷水下脾疼亦然腰痛冷酒下並食前小兒圓如黍米大每服一圓湯使同上

遇仙立効散 治諸般惡痢或赤或白或濃淡相雜

裏急後重臍腹絞痛或下五色或如魚腦日夜無度或禁口不食不問大人小兒虛弱老人產婦並宜服之

御米殼

去蒂蓋炒

川當歸

去芦

甘草

各貳兩

赤芍藥

酸榴皮

地榆

各半兩

右為龕散每服三錢水盞半煎七分空心温服小兒量歲數加減以瘥為度忌生冷油膩腥臊等物三神圓 治清濁不分泄瀉注下或赤或白臍腹疔痛裏急後重

草烏

叁枚各去皮尖壹生壹炮壹燒作灰

右為末醋糊圓如蘿蔔子大人五七圓小兒三圓水瀉倒流水下赤痢甘草湯下白痢乾薑湯下地榆散 治大人小兒脾胃氣虛冷熱不調下痢膿血赤多白少或因腸胃乘虛為熱毒所滲下痢純血臍腹疔痛裏急後重口燥煩渴小便不利純下鮮血或先經下痢不應服熱藥而誤服熱藥蘊毒不散積於腸間滲而成血者並宜服之

赤芍藥

茯苓

去皮各六兩地榆炒

乾葛

各半斤

罌粟

殼蜜炒十兩當歸

去苗參兩

甘草

炙四兩

乾薑

炮貳兩

右為細末每服二錢用溫熱水調下不拘時候小兒三歲可服半錢更量歲數加減與之若下痢純白或下紫黑血腸滑不禁者皆可服之

秘傳斗門散

治八種毒痢藏府撮痛膿血赤白或

下瘀血或成片子或有五色相雜日夜頻併兼治禁口惡痢裏急後重久渴不止全不進食他藥不能治者立見神効

罌粟殼

蜜炙半斤

地榆

炒

甘草

炙各六兩

白芍藥

參兩

乾薑

炮四兩

黑豆

炒去皮壹十貳兩

右為細末每服二錢水一盞煎七分溫服

丁香豆蔻散 治脾胃虛弱宿寒停積或飲食生冷

內傷脾胃泄瀉注下水穀不化胸滿短氣嘔逆惡

心臍腹痛脇肋脹滿腹內虛鳴飲食減少及積

寒久痢純白或白多赤少日夜無度或脾胃虛寒

泄瀉日久愈而復發者並宜服

京三稜 炮 白茯苓 皮去 木香 不見火

乾薑 炮 肉豆蔻 炮 厚朴 去麤皮薑汁製

人參 去芦 芍藥 各五兩 吳茱萸 湯洗七次

甘草 炙 丁香 參兩半 蒼朮 去皮七兩

右為細末每服三錢水一盞薑三片棗一枚同煎

至八分空心食前溫服如不及煎以鹽少 許湯點服亦得

萬金飲 治脾胃虛弱內受風寒或飲食生冷傷於

脾胃嘔吐泄瀉臍腹痛脇肋脹滿腸內虛鳴及

腸胃受濕膿血相雜下如豆汁或下瘀血裏急後

重日夜無度飲食減少漸至羸瘦並能治之

陳皮 白去 甘草 半生半炙 罌粟 殼去蒂蓋半生半蜜炙各等分

右為麤末每服四錢先用沸湯泡盞熱又於椀內

盛重湯坐盞在內却抄藥末在盞內用沸湯泡至

七分盞上用盞蓋之良久紗綿濾去滓空心食前

溫服

如神止瀉圓 治藏腑虛寒脾胃受濕泄瀉無度腸鳴腹痛不進飲食漸至羸瘦並宜服之

蒼朮

米泔浸軟去黑皮焙

半夏

湯洗七次去滑各半斤

川烏

米泔浸軟去皮切作片焙乾用鹽四兩同炒黃色為度去鹽不用淨秤四兩

右為末薑汁糊圓如梧桐子大每服五十圓空心飯飲下

神効參香散

治大人小兒藏氣虛怯冷熱不調積

在藏腑作成痢疾或下鮮血或如豆汁或如魚腦或下瘀血或下紫黑血或赤白相雜或成五色裏急後重日夜頻併臍腹絞痛甚不可忍及噤口疳

蠱時瘟諸痢無問新舊並能治之

肉豆蔻

去皮

茯苓

去皮各四兩

人參

去芦

木香

白朮豆

炒各貳兩

罌粟殼

去蒂

陳皮

去白各十貳兩

右為末每服三大錢溫米飲調下不拘時候立見

神効

黃耆湯

治年高老人大便秘澀

綿黃耆

陳皮

去白各半兩

右為細末每服三錢用大麻仁一合爛研以水投取漿一盞去滓於銀石器內煎候有乳起即入白

蜜一大匙再煎令沸調藥末空心食前服秘甚者
不過兩服愈常服即無秘澀之患此藥不冷不燥
其効如神

重刊太平惠民和劑局方卷之六

重刻太平惠民和劑局方卷之七

昆明朱 葵向之父閱
冶城袁元熙汝和父較

眼目

錦鳩圓 治肝經不足風邪內乘上攻眼暗淚出怕
日羞明隱澀痒痛瞻視茫茫多見黑花或生翳膜
並皆治之

甘菊花 揀淨

黃連 去鬚

防風 去芦

細辛 去苗

杜蒺藜 炒去尖角

牡礪 火煨取粉用

官桂 去麤皮各五兩

瞿麥

草決明

羌活去芦

蕤仁去皮各三兩

白茯苓去皮四兩

蔓荆子

貳升淘洗絹袋盛飯甑蒸壹伏時

班鳩

壹隻去皮毛腸用文武火

連骨炙乾

羯羊肝

壹具薄切炙乾令焦

右為末煉蜜和杵五百下圓如桐子大每服十五

圓至二十圓以溫水或溫酒下空心日午臨卧日

三服如久患內外障眼服諸藥不効者漸加服五

十圓必効暴赤眼疼痛食後用荊芥湯下二十圓

駐景圓

治肝腎俱虛眼常昏暗多見黑花或生障

翳視物不明迎風有淚久服補肝腎增目力

熟乾地黄

車前子

各叁兩

兔絲子

酒浸別研八兩

右為末煉蜜為圓如梧桐子大每服三十圓溫酒

下空心晚食前日二服

蜜蒙花散

治風氣攻症兩眼昏暗淚羞明臉生

風粟隱澀難開或痒或痛漸生翳膜視物不明及

久患偏頭疼牽引兩眼漸覺細小昏澀隱痛并暴

赤腫痛並皆治之

蜜蒙花

揀淨

石決明

微炒

羌活

去芦

菊花

去土

杜蒺藜

炒去尖

木賊

各等分

右為細末每服一錢用茶清調下食後日二服

羚羊角散 治大人小兒一切風熱毒上衝眼目暴

發赤腫或生瘡疼痛隱澀羞明

羚羊角銹 車前子 甘草微炙

黃芩 川升麻各二兩 决明子貳十兩炒

草龍膽去芦 山梔取仁各五兩

右為細末每服一錢食後温熟水調下日進三服

小兒可服半錢

秦皮散 治大人小兒風毒赤眼腫痛痒澀眵淚昏

暗羞明

滑石道州者 黃連去鬚 秦皮各十兩

右為細末每用半錢沸湯炮去滓温熱頻洗

鎮肝圓 治肝經不足内受風熱上攻眼目昏暗痒

痛隱澀難開推眵多淚怕日羞明時發腫赤或生

障翳並宜服之

决明子炒 地膚子 遠志去心

防風去芦及叉 蔓荆子去白皮 茺蔚子

茯苓白者去皮 人參去芦各壹兩 青箱子

栝子仁炒 玄參 甘草炙

車前子 地骨皮 山藥

柴胡去芦 茈菊花各半兩 細辛去苗壹分

右為細末蜜水煮糊為圓如梧桐子大每服二十

圓用米飲下食後日二服

菊睛圓 治肝腎不足眼目昏暗瞻視不明茫茫漠

漠常見黑花多有冷淚久服補不足強目力

甘菊花

四兩

巴戟

去心一兩

菴蓉

酒洗去皮炒切焙二兩

枸杞子

兩

右為細末煉蜜為圓如梧桐子大每服三十圓至

五十圓溫酒或鹽湯下空心食前服

菩薩散

治男子婦人風氣攻注兩目昏暗眵淚羞

明臉皆腫痒或時赤痛耳鳴頭眩

白蒺藜

炒

防風

剉

蒼朮

米泔浸一宿去皮剉炒各二兩

荆芥穗

一兩

甘草

炙壹兩

右為末不拘時入鹽少許沸湯或酒調下一大錢

神効

撥雲散

治男子婦人風毒上攻眼目昏暗翳膜遮

障怕日羞明眼多赤淚隱澁難開眶骨赤痛臉皆

紅爛瘀肉侵睛但是一切風毒眼疾並宜治之

羌活

防風

甘草

炒

柴胡

各壹斤

右為細末每服二錢水一中盞煎至七分食後臨

睡時服薄荷茶調菊花末湯下亦得忌醃藏鮓醬

濕麪及炙煨發風毒等物

草龍膽散 治上焦受於風熱氣毒攻衝眼目暴赤

礞澀羞明腫痛多眵迎風有淚翳膜攀睛胬肉隱

痛並皆治之

龍膽草洗去土 菊花去梗 木賊洗去節

草決明子微炒 茸草炙各貳兩 香附子炒去毛

川芎不見火各四兩

右為細末每服二錢用麥門冬熟水入砂糖少許

同調食後服或米泔調或食後臨睡服

蟬花散 治肝經蘊熱風毒之氣內搏上攻眼目翳

膜遮睛赤腫疼痛昏暗視物不明隱澀難開多生
眵淚內外障眼

草決明炒 甘菊花去梗 川芎不見火

蟬退洗去土 山梔子去 穀精草去土

防風不見火 黃芩去土 蔓荊子去皮

木賊草洗淨 羌活不見火 荊芥去梗

蜜蒙花去枝 白蒺藜炒去土尖 茸草各等分

右為末每服二錢用茶清調服或用荊芥湯入茶
少許調服亦得食後及臨卧時服

春雪膏 治肝經不足內受風熱上攻頭目昏暗痒

痛隱澁難開昏眩赤腫怕日羞明不能遠視迎風有淚多見黑花

腦子

式錢半研

蕤仁

去皮殼壓去油式兩

右用生蜜六錢將腦子蕤仁同和每用銅筋或金銀釵股大小皆時復少許點之治連眶赤爛以油紙塗藥貼

流氣飲

治肝經不足內受風熱上攻眼目昏暗視

物不明常見黑花當風多淚怕日羞明推駁赤腫隱澁難開或生障翳倒睫拳毛眼眩赤爛及婦人血風眼及時行暴赤腫眼胞紫黑應有眼疾並

宜服之

牛旁子

炒

荆芥

去梗

木賊

去節

細辛

去苗

白蒺藜

去尖炒

玄參

去苗

菊花

去枝

大黃

炮

蔓荆子

去白皮

黃芩

去苗

甘草

炙

防風

去苗

山梔子

去皮

川芎

各壹兩

草決明

壹兩半

蒼朮

貳兩末淋浸洗

右為細末每服二錢半臨卧用冷酒調下如孩兒有患只令乳母服之

洗肝散

治風毒上攻暴作赤目腫疾難開隱澁

淚昏暗羞明或生翳膜

山梔取仁

川芎

防風去芦

薄荷去梗

當歸去芦

大黃

羌活去芦

甘草炙各二兩

右為末每服二錢冷水或熟水調下食後日三服

見効

菊花散

理肝氣風毒眼目赤腫昏暗羞明癢澀難

開攀睛瘀肉或痒或痛漸生腎膜及治暴赤腫痛

白蒺藜炒去尖

蟬退去頭足翅

羌活去芦不

木賊草去根節

各參兩

菊花

去梗六兩

右為細末每服二錢食後臨卧茶清調下常服明

利頭目洗肝去風忌發風醃藏炙燻等物

明睛散 能治外障退腎膜療風毒上攻眼疼赤腫

或臉背痒爛時多熱淚昏澀

赤芍藥

當歸去芦洗

黃連去鬚

滑石

細研各五兩

右為細末入研滑石拌勻每用半錢沸湯點澄清

去滓熱洗忌一切醃藏魚鮓酒麪等毒物

蟬花無比散

治大人小兒遠年近日一切風眼氣

眼攻注眼目昏暗臉生風粟或痛或痒漸生腎膜

侵睛遮障視物不明及久患偏正頭風牽搐兩眼
漸漸細小連眶赤爛及小兒瘡疹入眼白膜遮睛
赤澀隱痛常服祛風退翳明目

石決明 用鹽同東流水煮壹伏時漉出研細 當歸 洗焙

川芎 羌活 各叁兩 蛇脫 微炙壹兩

防風 去叉枝 茯苓 去皮 甘草 各四兩

蒺藜 炒去刺半斤 蟬退 去頭足翅貳兩 芍藥 赤者十叁兩

蒼朮 浸去皮炒十貳兩

右為細末每服三錢食後米泔調服茶清亦得忌
食發風毒等物

明睛地黃圓 治男子女人肝藏積熱肝虛目暗膜
入水輪漏睛眵淚眼見黑花視物不明混睛冷淚

腎膜遮障及腎藏虛憊肝受虛熱及遠年日近暴
熱赤眼風毒氣眼並治之兼治乾濕脚氣消中消

渴及諸風氣等疾由腎氣虛敗者但服此能補肝
益腎驅風明目神効

牛膝 去芦酒浸叁兩 生乾地黃 熟乾地黃 各洗焙壹斤

石斛 去齒 防風 去芦 枳殼 去穰麩炒各四兩

杏仁 去皮尖麩炒黃細研去油貳兩

右為末煉蜜為圓如桐子大每服三十圓空心食

前温酒下或飯飲鹽湯亦得忌一切動風毒等物
洗眼紫金膏 治遠年日近腎膜遮障攀睛努肉昏
暗淚多瞻視不明或風氣攻注臉生風粟或連眶
赤爛怕日羞明隱澀難開並治之

朱砂

鵬砂

乳香

各別研

芍藥

赤者

當歸

去苗洗各壹分

雄黃

研飛式錢

麝香

別研半錢

黃連

去鬚半兩

右爲末入研藥拌勻再搗煉蜜搜和爲圓如皂荚
子大每次用一圓安淨盞內以沸湯泡開於無風
處洗藥冷閉目少時候三兩時再煨令熱依前洗

一貼可洗三五次不得犯銅鐵器內洗如暴赤眼
腫者不可洗之

草龍膽散

治眼暴赤腫痛風氣熱上衝睛疼連眶

臉皆赤爛瘀肉侵睛時多熱淚及因叫怒逆損肝
氣以勞瞻視役損眼力風砂塵土入眼澁痛致成
內外障翳及一切眼疾

草龍膽

去苗

蒺藜

子去刺各六兩

茯苓

去皮四兩

菊花

去枝半兩

赤芍藥

半斤

防風

去父

甘草

炙

羌活

各叁兩

右爲末每服二錢食後臨卧時温酒調下

湯泡散 治肝經不足受客熱風壅上攻眼目赤澀
睛疼臉爛怕日羞明夜卧多淚時行暴赤兩太陽
穴疼頭旋昏眩視物不明漸生翳膜並皆治之

赤芍藥

當歸洗焙

黃連去鬚各等分

右為末每用二錢極滾湯泡乘熱燻洗冷即再温
洗一日三五次洗以差為度忌醃藏毒物其說云
凡眼目之病皆以血凝滯使然故以行血藥合黃
連治之血得熱即行故乘熱洗用無不効驗

還睛圓 治男子女人風毒上攻眼目赤腫怕日羞
明多饒眵淚隱澁難開眶痒赤痛臉背紅爛瘀肉

侵睛或患暴赤眼睛疼不可忍者併服立効

白朮生用

兔絲子酒浸別研 白蒺藜炒去刺

木賊去節

羌活去苗

青箱子去土

蜜蒙花

防風去芦

甘草炙各等分

右為末煉蜜圓如彈子大每服一圓細嚼白湯下
空心食前日三服又治偏正頭痛頭風頭目眩運
曾青散 治一切風熱毒氣上攻兩眼多生眵淚怕

日羞明隱澁難開眶爛赤腫或痒或痛及時行暴
赤眼睛昏澁痛

曾青四兩

蔓荆子去皮式兩 防風去芦

白薑

炮各壹兩

右為細末每用少許末搐入鼻中立有功效

秘傳羊肝圓

治丈夫婦人肝經不足風毒上攻眼

目昏暗淚出羞明怕日隱澁難開或痒或痛又治

遠年日近內外障眼攀睛弩肉箴刮不能治者此

藥治之

黃連

去鬚為末

白羊子肝

淨洗去膜

右將羊肝先入沙盆內杵爛旋之入黃連末拌搗乾濕得所為圓如梧桐子大每服十四圓食後以溫漿水下連作五劑差但是諸般眼疾及障翳青

盲者皆主之禁食猪肉及冷水

治目方用黃連

者多矣此方最為奇異劉禹錫云有崔承元者因

官治一死罪囚而活出之囚後數年以病目致死

一旦崔忽為內障所苦喪明逾年後半夜歎息獨

坐時聞階除間悉窣之聲崔問為誰曰是昔所蒙

活囚今故報恩至此遂以此方告訖而沒崔依此

方合服不數月眼復明因傳于世

咽喉口齒

龍石散

治大人小兒上膈壅毒口舌生瘡咽噎阻

塞疼痛妨悶每用少許摻貼患處嚙津小兒瘡疹

毒氣攻口齒先用五福化毒丹掃後仍再用此藥
摻貼立効

生腦子 研貳錢半 朱砂 研飛貳兩半 寒水石 燒通赤貳斤

右為末每日三五次用夜卧貼妙

如聖湯 治風熱毒氣上攻咽喉咽痛喉痺腫塞妨

悶及肺壅咳嗽咯唾膿血胸滿振寒咽乾不渴時

出濁沫氣息腥臭久久吐膿壯如米粥又治傷寒

咽痛

苦桔梗 兩壹 甘草 炒貳兩

右為龕末每服二錢水一盞煎至七分去滓温服

小兒時時呷服食後臨卧用

鵬砂圓 治大人小兒風壅膈熱咽喉腫痛舌頰生

瘡口乾煩渴

腦子 研叁分 甘草 浸汁熬膏 鵬砂 研各十兩

梅花腦 別研壹分 麝香 研壹兩 牙硝 枯研貳兩

寒水石 燒通赤五十兩

右為末用甘草膏子和搜每兩作四百圓每服一

圓含化嚙津常服化痰利膈生津止渴

麝臍散 治牙齒搖動風艸疼痛斷肉宣露涎血臭

氣常用令牙齒堅牢解骨槽毒氣

郁李仁

兩

十

木律

四兩

麝香空皮子

壹百箇

黃茄

式十箇

牛膝

去芦

已上五味搗碎入罐子內上用瓦子蓋口留一小

竅用鹽泥固濟燒令通赤俟煙白色即住火取出

以新土罨一伏時取出後入下項藥

細辛

去苗

升麻

各十斤

右為細末每用少許指患處須臾溫水漱口臨卧

更貼少許嚥津亦不妨

玉屑無憂散 治咽喉腫痛舌頰生瘡風毒壅塞熱

盛喉閉或因誤吞硬物諸骨鯁刺涎滿氣急或至

悶亂不省人事

白茯苓

炒黃色

玄參

去芦

貫眾

去芦

甘草

山豆梗

揀去梗

黃連

去鬚

縮砂

去殼

滑石

荆芥穗

各壹兩

鵬砂

錢貳

寒水石

貳兩研水飛

右為末每一錢乾摻舌上後以新水嚥下不拘時

如聖勝金錠 治急喉閉纏喉風飛颺單蛾雙蛾結

喉重舌木舌腮領腫痛屢經用藥不能吞水粥者

又方見後

生地黃

川芎

洗

硫黃

研

硝石 研

薄荷葉

川烏 炮

臘茶 各貳兩

右為細末裂生葱自然汁搜和為錠每服先用新汲水灌嗽吐出次嚼生薄荷五七葉微爛用藥一錠同嚼極爛以井水咽下甚者連進三服即愈重舌腮腫先服一錠次以一錠安患處其病隨藥便消又治冒暑伏熱不省人事用生薄荷水調研一錠灌下即甦如行路常含一錠即無伏熱之患口舌生瘡不能合口并食熱物如上法服訖用水灌漱嚼薄荷十葉如泥吐出再水灌漱嚼藥一錠含

口內聚涎畏之覺涎滿方吐出如此服三錠便能食酒醋遇食鹹酸鮓脯炙煨喉中生泡須指破吐血方省薄荷數葉以一錠同嚼井水吞下砂淋熱淋小便出血同車前草七葉生薑小塊研爛水調去滓嚼藥一錠以水送下此藥分陰陽去風熱化血為涎為水常帶隨身備急一錠可活一人命小兒只服半錠

鵬砂散 治大人小兒卒患喉痺閉塞不通腫痛生瘡語聲不快風壅痰毒鼻衄出血

鵬砂 生

甘草 各貳十兩

山藥 六斤

牙硝

式十兩

腦子

七兩

麝香

四兩

右為細末每服半錢如茶點服

赴筵散

治風牙艸牙攻症疼痛晝夜不止痛不可

忍睡卧不安牙斷宣露動搖欲脫或腮領浮腫斷

爛血出

去

良薑

去

草烏

去

荆芥

去

右為末每用少許於痛處擦之有涎吐出不得吞

嚥良久用溫鹽湯灌漱其痛即止常使指牙用腐

炭末一半相和常用止牙宣辟口氣永無牙疾

吹喉散

治

三焦大熱口舌生瘡咽喉腫塞神思昏

悶

蒲黃

壹兩

盆硝

八兩

青黛

壹兩

右件用生薄荷汁一升將盆硝青黛蒲黃一處用

瓷罐盛慢火熬令乾研細每用一字或半錢摻於

口內良久涎出吞之不妨或喉中腫痛用筒子入

藥半錢許用力吹之無不立効

如聖勝金錠

治證服餌與前如聖勝金錠同品味

小異

朴硝

四兩

硫黃

壹兩

川芎

一兩

荆芥穗

薄荷用葉

嫩茶各半兩

貫衆式兩

右為末裂生葱自然汁攪和為錠服藥湯使如前

五香散 治咽喉腫痛諸惡氣結塞不通急宜服之

鷄舌香

木香

沉香

薰陸香

各壹兩 別研

右為末入麝香研令勻每服二錢水一中盞煎至

六分溫服不拘時候

如神散 治風牙疔牙攻疰疼痛日夜不止睡卧不

安或牙斷動搖連頰浮腫不拘久近並皆治之

露蜂房

川椒

去目及閉口者微炒出汗

右為末每用一錢水一盞入鹽少許同煎八分乘

熱漱之冷即吐出一服立効

玉池散 治風蛀牙疼腫痒動搖牙齦潰爛宣露出

血口氣等疾

當歸

甘草

川芎

防風

白芷

槐花

膏本

地骨皮

細辛

升麻

右為末每用少許揩牙痛甚即取二錢水一盞半

黑豆半合薑三片煎至一盞稍温漱口候冷吐之
荆芥湯 治風熱肺壅咽喉腫痛語聲不出或如有
物硬

荆芥穗兩半 甘草兩多一 桔梗兩

右為末每服四錢水一盞薑三片煎六分食後服
細辛散 治風虫牙疼或牙斷宣爛牙齒搖動腮頰
浮腫

紅椒 縮砂去殼 鶴虱

牙皂 萆撥各半兩 荆芥去梗

細辛去苗各壹兩 白芷 草烏各三兩

右為細末每用少許於痛處擦之有涎吐出不得
嚥少時用温水漱口頻頻擦之立有神効

重刊太平惠民和劑局方卷之七

重刊太平惠民和劑局方卷之八

昆明朱 葵向之父閱

冶城袁元熙汝和父較

雜病

耆婆萬病圓 療七種癰塊五種癩病十種疰忤七

種飛尸十二種蠱毒五種黃病十二種瘧疾十種

水病八種大風十二種癩痺并風入頭眼暗漠漠

及上氣欬嗽喉中如水鷄聲不得卧飲食不作飢

膚五藏滯氣積聚不消壅閉不通心腹脹滿連及

胸背鼓脹氣堅結流入四肢或腹又心膈氣滿時

定時發十年二十年不瘥五種下痢疳蟲蛇蟲寸
白蟲諸蟲上下冷熱久積痰飲令人多眠睡消瘦
無力蔭入骨髓便成滯疾身體氣腫飲食嘔逆腰
脚酸疼四肢沉重不能久行久立婦人因產冷入
子藏藏中不淨或閉塞不通胞中瘀血冷滯出流
不盡時時疼痛為患或因此斷產并小兒赤白下
痢及狐臭耳聾鼻塞等病服此以三圓為一劑服
不過三劑萬病悉除說無窮盡故稱萬病圓

- 牛黃細研
- 黃芩
- 芫花醋炒
- 禹餘糧醋淬研飛
- 雄黃研飛
- 芎藭

- 人參去芦
- 紫苑去芦
- 蒲黃微炒

- 麝香研
- 當歸去芦
- 桔梗去芦

- 大戟剉炒
- 乾薑炮
- 防風去芦

- 黃連去鬚
- 朱砂研飛
- 犀角鎊

- 前胡去芦
- 巴豆去皮心
- 細辛去苗

- 葶藶炒
- 肉桂去皮
- 桑白皮剉炒

- 茯苓去皮
- 芍藥
- 川椒去目及閉口

- 甘遂各壹兩
- 芫青式十八枚入糯米同炒

- 蜈蚣壹十式節去頭足炙
- 石蜥蜴去頭尾足炙壹寸

右為細末入研藥勻煉蜜為圓如小豆大若一歲

已下小兒有疾者令乳母服兩小豆大亦以吐利
爲度近病及卒病用多服積久疾病卽少服常服
微溏利爲度卒病欲死服三圓取吐利卽瘥卒中
惡口噤服二圓漿一合下利卽差五疰鬼刺客忤
服二圓男女邪病歌哭腹大如妊身服二圓日三
夜一間食服之蠱毒吐血腹痛如刺服二圓不差
更服瘧病未發前服一圓未差更服諸有痰飲者
服三圓冷癖服三圓日三服皆間食常令微溏利
宿食不消服二圓取利癥瘕積聚服二圓日三服
心腹拘急脹滿心痛服三圓上氣嘔逆胸滿不得

卧服二圓不差更服大痢服二圓日三服痔濕服
二圓以一圓如杏仁大和醋二合灌下部中水病
服三圓日再服間食服之差止人弱卽隔日服頭
痛惡寒服二圓覆取汗傷寒天行服二圓日三服
間食服之小便不通服二圓不差明日更服大便
不通服三圓又內一圓下部中卽通耳聾聾耳以
綿裹如棗核塞之鼻衄服二圓癰腫丁腫破腫內
一圓如麻子大日一傳之根亦自出犯丁腫血出
以猪脂和塗有孔內孔有差癩瘡以酢泔洗訖取
藥和猪脂傳之漏瘡有孔以一圓內孔中和猪脂

傳上痔瘡塗綿筋上內孔中日別易差止癩癧以
酢和塗上差癩瘡以布楷令汁出以酢和塗上日
一易差止胸背腰脇腫以醋和傳腫上日一易又
服二圓諸冷瘡積年不差以酢和塗之惡刺以一
圓內瘡孔中卽瘞蝮蛇螫以少許內螫處若毒入
腹心煩欲絕者服三圓蜂螫以少許傳之差婦人
諸疾胞衣不下服二圓小兒驚癇服一圓如米許
以塗乳令啣之看見大小加減小兒客忤服一圓
如米和乳塗乳頭令啣之以意量之蝎螫以少許
傳之差小兒乳不消心腹脹滿服一圓如米許塗

乳頭令啣之卽差

神應圓 治腎經不足風冷乘之腰痛如折引背脊
俛仰不利轉側亦難或因役用過多勞傷於腎或
因寢冷濕地氣傷腰或因墜墮傷損或因風寒客
搏皆令腰痛並皆治之

肉桂

去麤皮

當歸

去芦十兩

各

葳靈仙

去土十兩

三

右爲末以酒煮麪糊爲圓如梧桐子大每服十五
圓溫酒或煎茴香湯下食前服婦人煎桂心湯下
加至二十圓有孕婦人不得服忌食茗

集効圓

治因臟腑虛弱或多食甘肥致蛔蟲動作

心腹攪痛發作腫聚往來上下痛有休止腹中煩熱口吐涎沫卽是蛔咬宜服此藥若積年不差服之亦愈又療下部有蟲生痔痒痛

木香不見火

鶴蝨炒

附子炮去皮

訶梨勒皮用煨蕪荑炒

檳榔

乾姜炮各七兩半 大黃剉擘炒十五兩

右爲末煉蜜爲圓如梧桐子大每服三十圓食前橘皮湯下婦人醋湯下

乳香圓 治諸痔下血肛邊生肉或結核腫疼或生瘡痒痛或大便艱難肛腸脫出又治腸風下血無

問新久及諸瘻根在藏腑並能治之

芫青去頭足翅同糯米炒以米色黃爲度 枳殼去穰炒

大黃蒸 草澄茄 牡礪煨

鶴蝨炒各半兩 乳香研 白丁香壹分

右爲末以粟米糊爲圓如梧桐子大每服十圓至十五圓如治腸風臘茶清下諸痔煎鷄白湯下諸瘻煎鐵屑湯下並食前服

解毒雄黃圓 解毒治纏喉風及急喉痺卒然倒仆失音不語或牙關緊急不省人事

雄黃研 鬱金各壹分 巴豆去皮出油

右為末醋煮麩糊為圓如菘豆大用熱茶清下七
圓吐出頑涎立便蘇省未吐再服如至死者心頭
猶熱灌藥不下即以刀尺鐵匙幹開口灌之藥下
喉嚨無有不治吐瀉些小無妨及治上膈壅熱痰
涎不利咽喉腫痛赤眼癰腫一切毒熱並宜服之
如小兒患喉嚨赤腫及驚熱痰涎壅塞服二圓或
三圓量兒大小加減

尅効餅子 治一切瘧病發作有時先覺伸欠乃作
寒慄鼓振頤頷中外皆寒腰脊俱痛寒戰既已內
外皆熱頭痛如破渴欲飲冷或痰聚胸中煩滿欲

嘔或先熱後寒或先寒後熱或寒多熱少或熱多
寒少或寒熱相半或但熱不寒或但寒不熱或一
日一發或隔日一發或一發後六七日再發並皆
治之

龍腦 麝香 定粉 各研半兩

荷葉 熅 菘豆末 茸草 熅各五兩

朱砂 壹兩壹分研飛 信砒 醋煮貳兩半 金箔 貳十五片為衣

右為末煉蜜搜和每兩作二十圓捏褊以金箔為
衣每服一餅子以新汲水磨化日發者未發前服
之間日者不發夜服隔數日發者前一日夜服連

烏梅圓 藏寒蛔蟲動作上入膈中煩悶嘔吐時發

時止得食即嘔常自吐蛔有此證謂之蛔厥此藥

王之又治久痢

烏梅 參百枚 乾薑 十兩

黃連 去鬚十兩

細辛 去苗 附子 炮去皮臍

肉桂 去皮

人參 去芦 黃蘗 炙各六兩

當歸 去芦

蜀椒 去目及閉口者微炒出汗四兩

右異搗篩合治之以醋浸烏梅一宿去核蒸之五
斗米下飯熟搗成泥和藥令相得內白中與煉蜜

杵二千下圓如梧桐子大每服十五圓溫米飲下
食前服

神助散 治十種水氣面目四肢遍身俱腫以手按
之隨手而起欬嗽喘急不得安卧腹大腫脹口苦
舌乾小便赤澁大便不利

葶藶 炒香別研參兩 椒目 壹兩 黑牽牛 微炒貳兩半

猪苓 去黑皮 澤瀉 各貳兩

右為細末每服以蔥白三莖漿水一盞煎至半盞
入酒半盞調藥三錢絕早面向東服如人行十里
久以漿水蔥白煮稀粥至蔥爛入酒五合熱啜量

人噉多少須噉一升許不得喫鹽并麪自早至午
當利小便三四升或大便利喘定腫減七分隔日
再服既平之後必須大將息及斷鹽房室等三年
立効散 治下焦結熱小便黃赤淋閉疼痛或有血
出及大小便俱出血者亦宜服之

瞿麥穗壹兩

甘草炙叁分

山梔子去皮炒半兩

右爲末每服五錢至七錢水一椀入連鬚蔥白七
莖燈心五十莖生薑五七片同煎至七分時時溫
服不拘時

必勝散 治男子婦人血妄流溢吐血衄血嘔血咯

血

人參去芦

蒲黃微炒

小蘗并根

熟乾地黄

當歸去芦

烏梅去核

芎藭各壹兩

右爲麤散每服五錢水一盞半煎七分溫服不拘
時候

釣腸圓 治久新諸痔肛邊腫痛或生瘡痒時有膿
血又治腸風下血及肛門脫出並宜服之

天南星生

白礬枯

綠礬枯

訶子煨去核

白附子生用

附子生去皮脐

枳殼

去穰 炒

半夏

生各 式兩

鷄冠花

微炒 五兩

栝樓

式枚 燒 存性

蝟皮

兩箇 剉碎 內燒 存性

胡桃仁

十五箇 不油者 確內燒 存性

右為末以醋煮麩糊圓如梧桐子大每服二十圓空心臨卧温酒下遠年不差者服十日見効久服永除根本小可腸風等疾一二年內者十服瘥永不發動

石韋散

治腎氣不足膀胱有熱水道不通淋瀝不宣出少起數臍腹急痛蓄作有時勞倦即發或尿如豆汁或便出砂石並皆治之

木通

剉

石葦

去毛 各 貳兩 滑石

白朮

瞿麥

芍藥

葵子

各 各 兩

當歸

去 兩

甘草

王不留行

各 壹 兩

右為細末每服二錢小麥湯調下食前日二三服
牡礪散 治諸虛不足及新病暴虛津液不固體常白汗夜卧即甚久而不止羸瘠枯瘦心忪驚惕短氣煩倦

麻黃根

淨 洗

黃耆

去 苗 土

牡礪

米 泔 浸 去 土 火 燒 通 赤 各 壹 兩

右為麤散每服三錢水一盞半小麥百餘粒同煎

至八分去滓熱服日二服不拘時候

常山飲 治瘧疾凡瘧疾蓋因外邪客於風府生冷之物內傷脾胃或先寒後熱或先熱後寒或寒熱獨作或連日併發或間日一發寒則肢體顫掉熱則舉身如燒頭痛惡心煩渴引飲氣息喘急口苦咽乾脊脊酸疼腸鳴腹痛諸藥不治漸成勞瘧者此藥治之

良薑 貳十兩

烏梅 去仁壹斤

知母

川常山

甘草 炙

草果 各壹斤

右為麤散每服三錢水一盞生薑五片棗一枚煎

至七分去滓溫服

槐角圓 治五種腸風瀉血糞前有血名外痔糞後有血名內痔大腸不收名脫肛穀道四面弩肉如疔名舉痔頭上有孔名瘻並皆治之

槐角

去枝梗炒壹斤

枳殼

去穰炒

黃芩

當歸

酒浸壹宿焙

防風

去芦

地榆

各八兩

右為末酒糊圓如梧桐子大每服三十圓米飲下不拘時候此藥治腸風瘡內有蟲裏急下膿血止痒痛消腫聚驅濕毒久服永除病源

勝金圓 治一切瘡病發作有時蓋因外邪客於藏

腑生冷之物內傷脾胃或先寒後熱或先熱後寒
或寒多熱少或寒少熱多或但熱不寒或但寒不
熱或連日併發或間日而發或發後三五日再發
寒則肢體顫掉熱則舉身如火頭痛惡心煩渴引
飲氣息喘急口苦咽乾背脊酸疼腸鳴腹痛或痰
聚胸中煩滿欲嘔並宜治之

檳榔四兩

常山

酒浸蒸
焙壹斤

右為末水麩糊為圓梧桐大每服三十圓於發前
一日晚臨卧冷酒下便睡不得喫熱物茶湯之類
至四更盡再冷酒下十五圓忌一切熱羹湯粥食

午間可食溫粥至晚方可食熱忌一切生冷魚腥
等物一方用川常山十六兩為末鷄卵十五隻取
清和圓治證服餌並如前

腸風黑散 治證與瀉痢類腸風黑散同

荆芥貳兩

亂髮

槐花

槐角各燒壹兩

甘草炙

蝟皮各壹兩半

枳殼去穢式兩
燒壹兩炒

右將各燒藥同入甌瓶內黃泥固濟燒存三分性
出火毒同甘草枳殼搗羅為末每服二錢水一盞
煎至七分空心溫服溫酒調服亦得

備急圓 療心腹諸卒暴百病中惡客忤心腹脹滿
卒痛如刀所刺氣急口噤

巴豆 去皮油

大黃 各貳兩

乾薑 炮壹兩

右為末煉蜜圓如梧桐子大每服三圓溫水下不
拘時

青解毒圓 治大人小兒五藏積熱毒氣上攻胸膈

煩悶咽喉腫痛赤眼癰腫頭面發熱唇口乾燥兩
頰生瘡精神恍惚心忪悶亂坐卧不寧及傷暑毒
面赤身熱心燥煩渴飲食不下

寒水石

石膏 各研十兩

青黛 八兩

右研如粉入青黛和勻蒸餅七箇水調圓如鷄頭
大每服一圓食後新汲水化下或細嚼生薑水下
亦得如中諸毒並宜服及小兒驚風潮熱痰涎壅
塞心胸煩躁頰赤多渴睡卧不穩每三歲兒可服
半粒更量歲數加減

寸金圓 治元陽虛弱寒氣攻衝膀胱小腸發腫作

痛或在心脇牽連小腹連屬陰間致身體增寒撮
痛

川練子 炒

當歸 酒浸壹宿

楮實子 各壹兩半

全蝎 炒四箇

巴豆 七箇炒熟去皮殼研

右為末用浸當歸酒打麩糊和圓如鷄頭實大空心溫酒鹽湯下二圓至三圓併進二服

奪命丹 治遠年日近小腸疝氣偏墜搐疼臍下撮痛以致悶亂及外腎腫硬日漸滋長陰間濕痒抓成瘡

吳茱萸 去枝梗壹斤四兩用酒浸四兩用醋浸四兩用湯洗四兩用童子小便浸各浸壹宿

同焙 澤瀉 去毛土

右為末酒煮麩糊圓如梧桐子大每服五十圓空心食前鹽湯或酒吞下

茱萸內消圓 治腎經虛弱膀胱為邪氣所搏結成

寒疝陰癩木腎上攻臍腹疼痛膚囊腫脹或生瘡瘍時出黃水腰腿沉重足脛腫滿行步艱辛服之內消不動藏腑

白蒺藜 刺去 川烏 炮去皮尖 山茱萸 搗去核取肉微炒

食茱萸 肉桂 去麤皮 吳茱萸 湯洗七次焙乾炒

青橘皮 白去 茴香 舶上者淘淨洗 枯梗 水浸壹伏時漉出慢火炒令乾

各貳兩 大腹皮 酒淨過焙 海藻 洗淨焙

五味子 淨揀 玄胡索 各貳兩半 川練子 剉炒參兩

木香 壹兩半 桃仁 去皮尖及雙仁者麩炒

陳橘皮 白去 枳實 去穰麩炒各壹兩

右為末酒糊圓如桐子大温酒下三十圓食前服

麝香大戟圓 治陰癩腫脹或小腸氣痛

葫蘆巴 炒四兩 麝香 壹錢 別研 大戟 去皮炒 黃半兩

茴香 者船上 川練子 各六兩 木香

訶子 炮去核 酒浸蒸 附子 炮去皮尖 檳榔 刮去底細切不見火各壹兩

右為末獨留川練子以好酒一二升蔥白七根長

三四寸煮川練子軟去核取肉和藥搗杵圓如梧

桐子大空心温酒下五七圓至十圓薑湯亦得潮

發疼痛炒薑熱酒下十五圓

三白散 治膀胱蘊熱風濕相乘陰囊腫脹大小便

不利

白牽牛 貳兩 木通 去節 陳皮 白去

桑白皮 微炒 白朮 各半兩

右為細末每服二錢薑湯調下空心服未覺再進常服導利留滯不損藏氣

葫蘆巴圓 治大人小兒小腸氣蟠腸氣奔豚氣疝

氣偏墜陰腫小腹有形如卵上下來去痛不可忍

或絞結遶臍攻刺嘔惡悶亂並皆治之

葫蘆巴 炒壹斤 茴香 淘淨炒 吳茱萸 湯洗七次

大巴戟 去心炒 川烏 炮去皮 川練子 炒壹斤

右為末酒煮麩糊為圓如梧桐子大每服十五圓
空心溫酒下小兒茴香湯下五圓

瘡腫傷折

雲母膏 治一切瘡腫傷折等病

雲母粉 以光明白薄者研

硝石 研如粉

甘草 各四兩

桑白皮

槐枝

栢葉 不用近道者

柳枝 各三兩

高良薑

桔梗

防風 去芦

肉桂 去麤皮

龍膽草

黃芩

蒼朮 米泔浸壹宿焙

附子 去皮脐

麒麟竭 研

菖蒲

厚朴 去麤皮姜汁製

柴胡 去芦

赤芍藥

芎藭

蜀椒 去目及閉口者

人參 去芦洗

麝香 研

白及

黃耆 去苗

沒藥 研

木香

白歛

茯苓 去皮

松脂

乳香 研

白芷

當歸 去芦

夜合 各半兩

陳皮 壹兩

鹽花

黃丹 壹兩四兩

清油 四十兩

水銀 式兩候膏成如人體熱以生絹袋子盛水銀以手彈如針

頭大鋪在膏上謂之養藥母

右除雲母硝石麒麟竭沒藥麝香乳香黃丹鹽花

八味別研外並剉如豆大用上件清油於瓷器中
浸所剉藥七日以物封閉後用文火煎不住手攪
三上火三下火每上火匝匝沸乃下火候沸定再
上如此三次候白芷附子之類黃色爲度勿令焦
黑以綿或新布絞去滓却入鐺中再上火熬後下
黃丹與別研藥八味以柳篋不住手攪直至膏凝
良久色變再上熬仍滴少許水中凝結不粘手爲
度先炙一瓷器熱卽傾藥在內候如人體溫熱彈
水銀在上每用膏藥卽先刮去水銀治發背先以
敗蒲一斤用水三升煎五十沸如人體溫將蒲水

洗瘡拭乾貼藥一兩分作三服溫酒下未成膿者
立差於外貼之妳癰外貼瘰癧骨疽毒穿至骨用
藥一兩分作三服溫酒下甚者卽瀉出惡物兼外
貼差腸癰以藥半兩分爲五服甘草湯下未成膿
者當時消已有膿者隨藥下膿出後每日酒下五
圓如梧桐子大待膿止卽住服風眼貼兩太陽穴
壁鏡咬蜘蛛咬外貼留瘡口發腦發髭鬚發眉發
耳臍癰牙癰牙疼並外貼包裹卽當時痛止箭頭
所傷箭頭在內外貼每日喫少許爛菜豆箭頭自
出虎豹所傷先以其草湯洗然後貼膏每日換不

過三次貼狗蛇咬生油下十圓如梧桐子大仍須貼外難產三日不分免溫酒下一分便生血運欲死以薑汁和小便半升溫酒下十圓死者即返死胎在腹以榆白皮湯下半兩便生丈夫本藏氣茴香溫酒下一分每日一服不過二服差中暑毒取地水溫下一分每日一服不過四度瀉出惡物差痛贅外貼消之一切腫癰外貼立差但有所苦並皆貼之藥到即差已上主療只忌羊血餘無所忌如人收此藥防身以蠟紙裹不令風乾可三十年不損藥力

小犀角圓 治腸癰乳癰發背一切毒腫服之化為水

犀角屑兩參 防風 當歸

人參各去 川升麻 黃耆去

甘草炙 黃連去 乾蓼藍

黃芩 梔子仁各 大黃壹兩壹分蒸焙

巴豆貳十貳枚去皮膜心炒令出油研

右為末入巴豆勻煉蜜搜和為圓如桐子大每服三圓溫湯下利三兩行喫冷粥止之不利加至四五圓初服取快利後漸減圓數取微溏泄為度老

小以意加減腫消及和潤乃止利下黃白水覺腫處皮皺色變卽是消候一切腫毒皆內消神驗不可論忌熱麪蒜猪肉蘆笋魚海藻菘菜生冷黏食何首烏散 治脾肺風毒攻衝遍身癬疥瘙痒或生癰疹搔之成瘡肩背拘倦肌肉頑痺手足皴裂風氣上攻頭面生瘡又治紫癩白癩頑麻等風

蔓荆子

去白皮

葳靈仙

洗

荆芥穗

防風

去芦

蚶蜆草

去土

何首烏

剉

甘草

炙各五斤

右爲細末每服一錢食後温酒調下沸湯亦得

樺皮散

治肺藏風毒遍身瘡疥及癰疹瘙痒搔之

成瘡又治頭上風刺及婦人粉刺

荆芥穗

杏仁

去皮尖用水一椀於銀銚子內熬減水一半已急取出候

冷各

甘草

炙半兩

枳殼

去穰用炭火燒存性取出於濕

細上

樺皮

燒灰秤各四兩

右除杏仁外餘並爲末却將杏仁別研令細次用諸藥末旋旋入研令勻每服二錢食後温酒服日進三服瘡疥甚者每日頻服

太嶽活血丹

治男子婦人外傷內損狗咬蟲傷驢

撲馬墜手足傷折一切疼痛腹中瘀血刺脇築心

及左癱右緩走症疼痛癰腫痔漏婦人冷氣入腹
血脉不通產後敗血灌注四肢吹妳腫痛血氣撮
痛並宜服之

亂髮皂角水淨洗式斤懸乾用清麻油式斤入鍋內炒頻以手撚看脆亂如糊苔即止不

可令炒過栗稜謂栗參類共壹粒其中有不

大黑豆以濕布揩去塵皂角刺燒通紅米醋

花桑枝取如臂大者以炭火燒候煙盡

細墨半斤壹半用草麻仁叁兩乳鉢細研塗墨

飯五七斤煨令經紅放地上盆蓋出火氣兩

草麻仁叁兩乳香好者細研四兩入米

礪砂光淨者式兩醋化塗墨

右六味爲末入乳香膏內和杵三千下圓如彈子

大如乳香膏少更入醋煮麪糊痛甚日每服一圓

輕可者服半圓用無灰酒一盞乳香一豆大先磨

香盡次磨藥盡煎三五沸臨卧温服以痛處就床

卧如欲出汗以衣被蓋仍用藥塗損處忌一切動

風物應婦人諸疾服者用當歸末一錢依法煎服

有孕者莫服

花藥石散 治一切金刃箭簇傷中及打撲傷損猫

狗咬傷或至死者急於傷處搽藥其血化爲黃水

再摻藥便活更不疼痛如內損血入藏腑熱煎童子小便入酒少許調一大錢服之立効若牛觸腸出不損者急內入細絲桑白皮尖茸爲線縫合肚皮縫上摻藥血止立活如無桑白皮用生麻縷亦得並不得封畏瘡口恐作膿血如瘡乾以津液潤之然後摻藥婦人產後敗血不盡血迷血運惡血奔心胎死腹中胎衣不下至死者但心頭暖急以童子小便調一錢取下惡物如猪肝片終身不患血風血氣若膈上有血化爲黃水卽時吐出或隨小便出立効

花藥石

壹兩

硫黃

上色明淨者四兩各搗爲籠末

右二味相拌令勻先用紙筋和膠泥固濟瓦罐子一箇內可鎔藥候泥乾入藥內蜜泥封口了焙籠內焙乾令透熱便安在四方磚上磚上書八卦五行字用炭一秤籠疊周匝自己午時從下生火令漸漸上徹有墜下火旋夾火上直至經宿火冷炭消盡又放經宿罐冷定取出細研以絹蘿子籠至細凝合內盛依前法使用

玉龍膏

摩風止痛消腫化毒治一切傷折瘡腫

零香

藿香

各壹兩

杏仁

去皮尖

甘草

白及

芍藥赤者

升麻

黃耆

白歛各壹分

麝香壹錢研

白芷半兩

松脂壹錢半

黃蠟壹兩半

麻油真者六兩

栝樓大者壹箇去皮

右件以油浸七日却將此油先煉令香熟放冷入諸藥慢火煎黃色用絹濾去滓却入銀石鍋內入蠟并麝香松脂熬少時以瓷合器盛每用少許薄攤絹帛上貼若頭面風癩痒瘡腫疼痛並塗磨令熱頻頻用之如耳鼻中肉鈴用紙撚子每日點之至一月即愈如治灸瘡及小兒瘤瘡並塗之兼滅

癩痕神効

化毒排膿內補十宣散

治一切癰疽瘡癤未成者

速散已成者速潰敗膿自出無用手擠惡肉自出不犯刀仗服藥後疼痛頓減其効如神

川當歸

人參

新羅者各式兩

防風

新香者

卷薄桂

綿黃耆

如箭幹者

厚朴

梓州者

桔梗

有心苦味者是

粉甘草

川白芷

芎藭

以川中來者今多用撫芎大塊者各壹兩

右十味選藥貴精皆取淨晒焙極燥方秤除薄桂外一處搗羅為末入桂令勻每服自三錢加至五

六錢熱酒調下日夜各數服以多為妙服至瘡口
合更服尤佳所以補前損杜後患也不飲酒人濃
煎木香湯下然不若酒力之勝也或飲酒不多能
勉強間用酒調并以木香湯和酒功效當不減於
酒也大抵癰疽之作皆血氣凝滯風毒壅結所致
治之不早則外壞肌肉內攻藏腑其害甚大纔覺
便服倍加服數服之醉則其功尤速發散風毒流
行經絡排膿止痛生肌長肉藥性平和老人小兒
婦人室女皆可服之此藥的係有驗之方
沒藥降聖丹 治打僕閃胸筋斷骨折攣急疼痛不

能伸屈及榮衛虛弱外受遊風內傷經絡筋骨緩
縱皮肉刺痛肩背拘急身體倦怠四肢少力

川烏頭

生去
皮膚

骨碎補

毛
去

自然銅

火煨醋淬十
次研為末水

飛過
焙乾

白芍藥

乳香

別
研

當歸

洗
焙

沒藥

別研各
壹兩

生乾地黄

川芎

各壹
兩半

右並生用為末以生薑自然汁與蜜等分煉熟和
圓每一兩作四圓每服一圓搥碎水酒各半盞入
蘇木少許同煎至八分去蘇木熱服空心食前服
千金漏蘆湯 治癰疽發背丹毒惡腫時行熱毒發

作赤色癩癧初發頭目赤痛暴生障翳吹妳腫痛一切無名惡毒雖覺所苦細微不可輕慢急服此藥並皆內消更不成膿若發背癰疽已成膿者當排膿服之直至膿盡

生大黃

壹十兩

漏蘆

去

白斂

淨洗

甘草

生

赤芍藥

生剉去

黃芩

去皮

白及

去

升麻

剉

麻黃

去根節

枳殼

米泔浸一宿去白各四兩

右咬咀每服四錢水二盞煎一盞紗帛濾去滓空心食前熱服以快利為度病人更自量增損服之

滑飢散

治風邪客於飢中渾身瘙痒致生瘡疥及

脾肺風毒攻衝偏身瘡疥皴裂乾濕發瘡日久不瘥並治之

輕粉

壹錢

剪草

七兩不見火

右為末瘡濕用藥乾摻瘡乾用麻油調藥傅之

神効托裏散

治癰疽發背腸癰妳癰無名腫毒瘡

作疼痛增寒壯熱類若傷寒不問老幼虛人並治之

忍冬草

去梗

黃耆

去芦各五兩

當歸

壹兩式錢

甘草

炙八兩

右為末每服二錢酒一盞半煎至一盞若病在上
食後服病在下食前服少頃再進第二服留滓外
傳未成膿者內消已成膿者即潰

紅玉散 歛瘡口生肌肉止疼痛去惡水不問久近
並治之

黃丹半兩

寒水石

炭火燒通赤候
冷細研式兩

右同研細乾摻在瘡口內後用萬金膏貼之每日
一上或再上尤妙

萬金膏 治癰疽發背諸般瘡癤從高墜墮打撲傷
損脚膝生瘡遠年膿瘡五般痔漏一切惡瘡並皆

治之

草烏頭

槐枝

厚朴去籠皮

當歸淨洗焙

猪牙皂角

白及

黃芩

龍骨

木鼈子仁

沒藥別研

黃蘗

鼈甲

烏賊魚骨

白歛

黃連

苦參

香白芷

柳枝

川芎

各壹分並同剉黃丹壹兩半

滴乳香

壹錢別研

麻油

清者四兩冬月用半斤

右除黃丹外銀石器中將諸藥於油內慢火煎紫

赤色去藥不用却入黃丹一半放油內不住手攪
令微黑便入餘黃丹不住手攪須是慢火熬令紫
黑滴在水上不散及不粘手然後更別入黃丹少
許再熬數沸如硬時却更入油些小以不粘手為
度用時量瘡大小攤紙貼

接骨散 治從高墜下馬逐傷折筋斷骨碎痛不可
忍接骨續筋止痛活血

鵬砂壹錢半 當歸去芦 定粉各壹錢

右為末每服二錢煎蘇木湯調服訖後時時喫蘓
木湯

急風散 治久新諸瘡破傷中風項強背直腰為反
折口噤不語手足抽掣眼目上視喉中沸聲

丹砂兩壹 麝香研 生黑豆同草烏一處為末各一分

草烏頭叁兩一半生用一半以火燒存性於米醋內浸冷用

右為末和勻破傷風以酒一小盞調服半錢効如
出箭頭先用酒一盞調服半錢却以藥貼箭瘡上
油調立効散 治濕疥浸淫流潰遍體大作癩瘡搔
之水出小如粟粒痒痛難任肌膚濕潤經久不瘥

黃蘗微炙 硫黃細研 膩粉

礞礬各等分

右為細末研勻以生油調藥塗之

導滯散 治重物壓走或從高墜下作熱五內吐血

下血出不禁止或瘀血在內胸腹脹滿喘氣短

當歸焙

大黃各等分炒

右為末每服二錢溫酒調下不計時候

如聖散 治肺藏風毒攻發皮膚血氣凝澁變生疥

瘡瘙痒搔之皮起作痂增展侵引連滯不差此藥

活血脉潤皮膚散風邪止瘙痒

黃連去鬚三分

蛇床子兩半

水銀壹分同胡粉點水少許研令黑

胡粉壹兩結砂子

右件藥以生麻油和稀滑每用藥時先以鹽漿水

洗瘡令淨後以藥塗之乾即便換不過三五度差

檳榔散 治癰疽瘡癰膿潰之後外觸風寒腫焮結

硬膿水清稀出而不絕內腠空虛惡汁臭敗瘡邊

乾急好肌不生及療痒癢惡瘡連滯不差下疰廉

瘡侵潰不斂

黃連去鬚炒

檳榔

木香各等分

右用細末每用乾貼瘡上

拔毒散 治小兒丹毒肉色變異或着四肢或在胸

背遊走不定焮熱疼痛拔毒消腫散熱定疼

黃蘗

甘草

各壹兩

石膏

叁兩

寒水石

七兩

右為末每用水調時復以鷄翎刷掃以芭蕉自然汁調亦妙

琥珀膏

治頸項瘰癧及發腋下初如梅子腫結硬強漸若連珠不消不潰或穿穴膿潰肌汁不絕經久難差漸成癭疾並皆治之

木香

丁香

各叁分

麻油

壹斤

琥珀

壹兩

木通

白芷

松脂

當歸

桂心

木鼈子

去殼

朱砂

細研

防風

各半兩

右件藥先用琥珀丁香桂心朱砂木香五味搗羅為末其餘並細剉以油浸一宿於鐙中以慢火煎候白芷焦黃漉出次下松脂末濾去滓再澄清油却安鐙中慢火熬下黃丹一斤以柳木篋不住手攪令黑色滴入水中成珠子不散看硬軟得所入琥珀等末攪令勻於甌器內盛之每使時看大小畔煒以紙上勻攤貼之

丹參膏

治乳腫乳癰毒氣炊作赤熱漸成攻刺疼痛及治乳核結硬不消散通順經絡宣導癰滯

芍藥赤者

丹參

白芷各等分

右細剉以酒淹三宿入猪脂半斤微煎令白芷黃膏成去滓入黃蠟一兩每用少許時時塗之

神効當歸膏

治湯火傷初起燥漿熱毒侵展焮赤

疼痛毒氣壅盛腐化成膿斂瘡口生肌肉拔熱毒

止疼痛

黃蠟

當歸各壹兩

麻油四兩

右件先將油煎令當歸焦黑去滓次入蠟急攪之放冷入蠟合內每使時以故帛子塗貼之

膩粉膏

治風邪熱毒客稗皮膚身體生瘡痒痛無

時及大疥作瘡焮赤疼痛浸淫侵展肌汁不絕拔熱毒止疼痛生肌肉斂瘡口神効

黃連為末

膩粉

甘草為末

胡粉各壹兩

松脂半兩

猪脂六兩

右件藥先以猪脂煎松脂次入黃蠟二兩濾去滓次下膩粉并四味攪勻傾於蠟器中每用少許塗日三四易

烏蛇膏

治風邪毒氣外客皮膚薰發成腫所起不

定遊走往來時發痒痛或風毒勢盛攻注成瘡焮赤多膿瘡邊緊急但是風腫並治之

附子去皮

乾蝎各壹兩

防風去芦頭

細辛

赤芍藥

當歸

白芷

藁本

白殭蠶去絲嘴炒

獨活

桂心

半夏

吳茱萸

蜀椒去目炒

川芎各半兩

烏蛇

黃蠟各貳兩

右件剉煉臘月猪脂二斤文火煎候白芷黑色為度綿濾去滓下蠟入甕器內盛每用少許摩之令熱日三服

槐白皮膏

治內外諸痔腫核結硬或痒發無時或不消散

痛不可忍或肛邊生瘡赤爛侵潰或鼠乳之核久不消散

槐白皮

棟實各五兩

白芷

甘草各貳兩

赤小豆各貳合

桃仁六十枚

當歸叁兩

右咬咀以煎成猪膏一斤微火煎白芷黃色去滓出火氣每用摩瘡上日再用

神仙太一膏

治八發癰疽一切惡瘡軟癰不問年

月深遠已成膿未成膿貼之即効蛇虎蝎大湯火刀斧所傷並可內服外貼發背先以溫水洗瘡用

帛子攤藥貼仍用水下一粒血氣木通酒下赤白帶下當歸酒下咳嗽喉閉纏喉風並綿裹含化一切風赤眼貼太陽穴後用山梔子湯下打撲傷損貼藥仍用橘皮湯下腰膝痛貼之鹽湯下唾血桑白皮湯下諸漏先以鹽湯洗凡諸瘡癢並量大小以紙攤藥貼之並每服一粒旋圓櫻桃大以蛤粉為衣其藥可收十年不壞愈久愈烈神効不可具述

川當歸

玄參

肉桂去籠皮

生乾地黄

赤芍藥

白芷

大黃

各壹兩

右剉如松子大用麻油二斤浸春五日夏三日秋七日冬十日濾去滓油熬得所次下黃丹一斤以滴油在水中不散為度

補損當歸散 療墜馬落車被打傷腕折臂呼叫不絕服此藥呼吸之間不復大痛服三日筋骨即當相連立効

附子

炮去皮臍

澤蘭

炒各壹分

當歸

炒

桂心

蜀椒

炒出滓

甘草

炙各叁分

芎藭

炒六分

右為末每服二錢温酒調下日三服忌海藻菘菜生葱猪肉冷水

復元通氣散 治瘡癰癰疽方作炊赤初發疼痛及膿已潰未潰小腸氣腎癰便毒腰疼氣刺腿膝生瘡及婦人吹姪

延胡索皮 去 陳皮白 去 白牽牛炒 取

甘草炙 各 壹兩 南木香壹兩 半 茴香船 上 青 炒

川山甲剉 蛤粉炒 去 粉 各 貳兩

右為末每服一大錢熱酒調病在上食後服病在下食前服不飲酒人煎南木香湯調下

五香連翹湯 治一切惡核瘰癧癰疽惡腫等病

桑寄生無 以 升 麻 代 之 連翹去 蒂

木通去 節 獨活今 鋪 家 所 賣 者 只 是 宿 前 胡 或 是 土 當 歸 不 堪 用 只 用 羌

活 妙 升麻 射干各 叁 分

丁香去 枝 半 兩 乳香研 沉香叁 香 並 不 見 火

青木香船 上 者 甘草生 各 壹 分 大黃蒸 叁 兩

麝香壹 錢 半 別 研

右咬咀每服四大錢水二盞煮取一盞以上去滓取八分清汁空心熱服半日以上未利再喫一服以利下惡物為度未生肉前服不妨以折去熱毒

之氣本方有竹瀝芒消恐泥於方者不能斟酌故
闕之智者當自添減五香連翹湯方甚多當以此
一方爲正李氏方併存之○李氏方用乳香沉香
木香甘草連翹射干升麻木通桑寄生獨活生黃
耆各三分丁香半兩大便秘者加大黃三分李氏
所以不用大黃者恐虛人老人不宜服故臨時加
減耳○又一方青木香鷄舌香三分桑寄生二分
沉香木通生黃耆大黃各一兩酒蒸煨麝香二錢
乳香藿香川升麻連翹各半兩此方與前方同但
加鷄舌香藿香耳

掛膿托裏散 治一切瘡癰癰毒及腸癰背疽赤腫
而未破或已破而膿血不散渾身發熱疼痛不可
堪忍者并治婦人妳癰一切毒腫並宜服之

地蜈蚣

赤芍藥

當歸

甘草

各等分

右爲末每服二錢溫酒調下不拘時候

升麻和氣飲 治瘡疥發於四肢臀髀痛痒不常甚
至增寒發熱攻刺疼痛浸淫浮腫癩風入藏陰下
濕痒耳鳴眼痛

熟半夏

茯苓

白芷

當歸

各貳錢

熟蒼朮

乾葛

桔梗

升麻

各壹兩

熟枳殼

乾薑

各半錢

大黃

蒸半兩

芍藥

七錢半

陳橘皮

甘草

各壹兩半

右為剉散每服四大錢水一盞半薑三片燈心十五莖煎至七分去滓食前服

重刊太平惠民和劑局方卷之八

